



ASOCIJACIJA ZA DEMOKRATSKE INICIJATIVE
SARAJEVO

Godišnji izvještaj 2017

Asocijacija za demokratske inicijative Sarajevo

Tel. +387 33 262 415
Faks +387 33 262 416

Zmaja od Bosne 8
71 000 Sarajevo

www.adi.org.ba
snjezana@adi.org.ba

SADRŽAJ

UVOD.....	3
O NAMA.....	4
PROJEKTI	6
<i>Projekt: “Svojstva i značaj situacionog testiranja u procesu dokazivanja diskriminacije”..</i>	6
<i>Projekt: “(Ne)vidljive manjine - nulta tolerancija prema diskriminaciji LGBT osoba”</i>	7
<i>Projekt: “Borba protiv govora mržnje i zločina iz mržnje”.....</i>	8
<i>Projekt: “Jačanje kapaciteta istrage i krivičnog gonjenja u zemljama Zapadnog Balkana -</i> <i>finansijske istrage kao sredstvo za borbu protiv organizovanog kriminala i korupcije”</i>	9
<i>Projekt: “Građanska misija obrazovanja”</i>	11
<i>Projekt: “Jačanje povjerenja javnosti u tužilački sistem u BiH kroz unaprijeđenje</i> <i>transparentnosti i odgovornosti”</i>	12
MEDIJI	14
PARTNERI (Partneri u BiH i međunarodni partneri ADI-ja).....	15
DONATORI	16
FINANSIJSKI IZVJEŠTAJ ZA 2017. GODINU	17
Izvori finansiranja u 2017. godini	17
Bilans uspjeha za 2017. godinu.....	18
UPOSLENICI	19
KONTAKT PODACI.....	20

UVOD

Poštovani/a,

Kao bi vas upoznali sa aktivnostima i rezultatima rada u pethodnoj godini Asocijacija za demokratske inicijative Sarajevo (ADI Sarajevo) je pripremila Godišnji narativni i finansijski izvještaj za 2017. godinu. Izvještaj je namijenjen široj javnosti, donatorima, partnerima i članovima te sadrži detaljne opise projekata i projektnih aktivnosti koje su provedene u proteklih dvanaest mjeseci.

Tokom 2017. godine, Asocijacija za demokratske inicijative nastavila je svoj rad u polju zaštite i promocije ljudskih prava, borbi protiv diskriminacije i sigurnog prostora za manjinske zajednice u BiH (povratnici, LGBT osobe, Romi), borbi protiv govora mržnje i zločina iz mržnje, poboljšanju efikasnosti sistema pravosuđa i sprovođenja zakona u BiH i zemljama Zapadnog Balkana, izgradnji sistemskog pomirenja u BiH kroz povećanje kapaciteta, sposobnosti i vještina nastavnika i studenata u oblasti obrazovanja za mir. U svoje projektne aktivnosti, ADI je nastojala da uključi sve građane/ke BiH, mlade ljude, učenike/ce, žene, povratnike/ce, pripadnike/ce manjina u BiH, predstavnike/ce vlasti u BiH.

Nadamo se da će Vam ovaj izvještaj dati više informacija o našem radu i djelovanju na polju zaštite i promocije ljudskih prava u BiH, kao i promicanja procesa EU integracija u BiH. Kao i prethodnih godina, ADI je kroz svoje projektne aktivnosti, surađivala sa nevladinim organizacijama (domaće i međunarodne), predstavnicima zakonodavne i izvršne vlast u BiH i institucijama i predstavnicima poslovnog sektora u BiH.

S poštovanjem,

Asocijacija za demokratske inicijative Sarajevo

O NAMA

Asocijacija za demokratske inicijative (ADI) Sarajevo je nevladina i nestranačka organizacija osnovana 2003. godine s ciljem da obavlja posao Sekretarijata Balkanske mreže za ljudska prava (BHRN). BHRN je regionalna mreža nevladinih organizacija koje djeluju u oblasti promocije i zaštite ljudskih prava. Iskustva i metode razvijene kroz rad BHRN-a, ADI Sarajevo je pretočila u konzistentnu formu prenosivog znanja kodificiranog tako da može biti korišteno u svim organizacijama i sredinama.

Već **petnaest godina** ADI Sarajevo radi na **političkom i ekonomskom razvoju, vladavini prava, promociji zaštite ljudskih prava, EU integracija u Bosni i Hercegovini kroz jačanje praksi participativne demokratije i iniciranje partnerstava između civilnog društva, državnih institucija i privatnog sektora**. Jedan od posebnih ciljeva ADI-ja je podrška organizacijama civilnog društva u izgradnji njihovih institucionalnih kapaciteta i promocije njihove uloge u društvu. To radimo kroz promociju i monitoring implementacije postojećih mehanizama zaštite ljudskih prava, jačanjem praksi participativne demokratije i iniciranjem partnerstava između civilnog društva i državnih institucija.

Najaktivniji smo u oblasti sektora pravosuđa gdje smo **inicirali uspostavu Mreže pravde**, prve sektorske mreže u Bosni i Hercegovini koja je brojala **64 organizacije**. ADI je i jedna od 5 nevladinih organizacija koja je potpisala Memorandum o uspostavljanju mehanizama za praćenje i ocjenu sprovođenja Strategije za reformu sektora pravde u Bosni i Hercegovini s **Ministarstvom pravde BiH** i do danas je izdala tri godišnja izvještaja o sprovođenju Strategije za reformu sektora pravde u BiH. ADI je također **potpisnica pisma obaveze za Forum za zajedničke politike** koje je ustanovilo Ministarstvo pravde Bosne i Hercegovine i Visokog sudskog i tužilačkog vijeća Bosne i Hercegovine 2013. godine. Od 2013. godine smo aktivno uključeni u **monitoring suđenja slučajeva zločina počinjenih iz mržnje i slučajeva diskriminacije**.

U periodu 2007. do danas ADI je aktivno uključena u **zagovaranje za donošenje i primjenu legislative, kojom bi se sankcionirala diskriminacija u BiH**. Pored učešća u procesu donošenja **Zakona o zabrani diskriminacije** 2007. godine aktivno je učestvovala u davanju komentara na primjenu Zakona u 2010. godini. U okviru izvještavanja za **Univerzalni periodični pregled ispred Mreže pravde**, ADI je dostavila **Vijeću za ljudska prava dva izvještaja (2010 i 2014), koji su dali pregled preporuka za rješavanje problema diskriminacije u BiH**. U periodu 2010–2011, radila je na jačanju kapaciteta radnika u pet oblasti od kojih se jedna ticala diskriminacije radnika u oblasti radnih prava.

Također, 2016. godine ADI prva je pripremila na B/H/S jeziku priručnik „Situaciono testiranje diskriminacije“ koji je napisan sa namjerom da aktivistima i aktivisticama pomogne da se bolje upoznaju sa situacionim testiranjem, te da bolje razumiju zašto je korisno ovladati ovom metodom, u kojim slučajevima treba primjenjivati testiranje i kako ga praktično sprovesti.

ADI ima izgrađena jaka partnerstva s velikim brojem institucija širom BiH i regiona. U realizaciji tekućih projektnih aktivnosti, ADI se oslanja na preko 300 organizacija u BiH, nekoliko opština, Ministarstva pravde na državnom i entitetskim nivoima, Ministarstvu za ljudska prava i izbjeglice BiH, te Ministarstvo za civilne poslove BiH. Naši donatori su USAID, Ambasada SAD-a u BiH, Fond otvoreno društvo BiH, Evropska komisija, Civil Rights Defenders, Vlada Velike Britanije, Švicarska Vlada, Švicarska ambasada u Sarajevu, Ambasada Kraljevine Holandije u Crnoj Gori, Danski centar za ljudska prava, Katalonski Ombudsman, UNDP BiH, UNDP Srbija, Britanska ambasada u BiH, Vlada Švedske, OSCE misija u Hrvatskoj i Dansko ministarstvo inostranih poslova.

Također, ADI radi na izgradnji kapaciteta organizacija civilnog društva **organizirajući treninge za organizacije civilnog društva (OCD)** s fokusom na razvoj njihovih znanja i vještina u oblasti izrade javnih politika, pisanju projektnih prijedloga, finansijskog upravljanja, strateškog planiranja, izgradnju komunikacijske strategije, organiziranje kampanja zagovaranja i javnih konsultacija. Slični treninzi organizuju se u općinama i malim firmama u cijeloj zemlji.



PROJEKTI

Projekt: “Svojstva i značaj situacionog testiranja u procesu dokazivanja diskriminacije”

Trajanje projekta: 01/09/2016 – 30/09/2017

Donator projekta: Američka agencija za međunarodni razvoj (USAID) i Fond otvoreno društvo BiH (FOD BiH)

Nositelj projekta: Asocijacija za demokratske inicijative Sarajevo

Saradnja: Mediacentar Sarajevo, Centar za društvena istraživanja Analitika, Prava za sve i Vaša prava BiH

Ciljna skupina: Organizacije civilnog društva

Mjesto provedbe projekta: Bosna i Hercegovina

Opći cilj: Podići svijest i kapacitete OCD o važnosti situacionog testiranja (ST) kao istraživačke metode i metode za dokazivanje diskriminacije.

Kratki opis: Diskriminacija prema gotovo svim osnovama je i dalje glavni generator kršenja ljudskih prava u Bosni i Hercegovini. Stanje u nekim područjima u proteklom je godinama i pogoršano, unatoč brojnim preporukama koje su dolazile od organizacija civilnog društva i Institucije Ombudsmena/Ombudsmana za ljudska prava u BiH za koje se očekivalo da će ih vlasti zapravo provesti. Diskriminacija je najčešće izražena prema pripadnicima/cama drugih etničkih ili vjerskih grupa, ženama, povratnicima, te LGBTIQ zajednici. ST je nova metoda koja ima za cilj dokazivanje diskriminacije na licu mjesta, a ova metoda se koristi i u zemljama EU, te daje dobre rezultate.

Aktivnosti projekta: Izrada priručnika o ST za OCD, održavanje dva okrugla stola povodom prezentacije priručnika o ST i važnosti korištenja ST za OCD, održavanje konsultativnih sastanaka sa OCD, održavanje tri edukativne radionice za OCD o ST, organizacija simulacije ST u kontrolisanim uslovima.



Rezultati: Kreirana i odštampana finalna hard copy verzija priručnika za Situaciono testiranje. Priručnik distribuiran na 915 adresa (hard copy 300, e-mail 185, 2 portala 430 preuzetih priručnika). Održana dva okrugla stola (Sarajevo i Banja Luka) ukupan broj učesnika/ca dva okrugla stola 53 (Ž 30, M 23). Održano ukupno 11 kratkih konsultativnih sastanaka sa OCD. Održane su tri edukativne radionice (Mostar, Tuzla, Banja Luka) ukupan broj učesnika/ca 54. Dostavljena 54 certifikata za učesnike/ce edukativnih radionica. Održana Simulacija ST u kontrolisanim uslovima - Jahorina, 22 učesnika/ce (Ž 11, M 11).

Projekt: “(Ne)vidljive manjine – nulta tolerancija prema diskriminaciji LGBT osoba”

Trajanje projekta: 01/01/2017 – 31/12/2017

Donator projekta: Američka agencija za međunarodni razvoj (USAID)

Nositelj projekta: Helsinški odbor za ljudska prava

Partner projekta: Asocijacija za demokratske inicijative Sarajevo

Ciljna skupina: OCD koje zastupaju LGBT pitanja

Mjesto provedbe projekta: Bosna i Hercegovina

Opći cilj: Doprinijeti stvaranju sigurnog i nediskriminatornog prostora za LGBT osobe u BiH.

Kratki opis: Izostanak društvenih intervencija, osude i kažnjavanja nasilja prema LGBT osobama čine ovu zajednicu nevidljivom i ranjivom. Prema nezavisnim istraživanjima, 51% pripadnika LGBT zajednice u BiH je bilo izloženo nekom vidu diskriminacije, 15% je doživjelo fizičko nasilje zbog pretpostavljene seksualne orijentacije i/ili rodnog identiteta, 72% verbalne napade i zlostavljanje, 36% je doživjelo diskriminaciju na radnom mjestu ili pri zapošljavanju. No, LGBT osobe rijetko odlučuju prijaviti kršenje prava i nasilje zbog stigmatizacije, te su izloženi i nerazumijevanju i u medijima i civilnom društvu.

Aktivnosti projekta: Održavanje pripremnog sastanka na kojem je potpisan Memorandum o saradnji, osnivanje projektnog operativnog tima (umrežavanje 10 OCD iz BiH), dvodnevna obuka za operativni tim, dva dvodnevna sastanka na kojima su pripremljene lokalne mjera za poboljšanje položaja LGBT osoba, lokalne konsultacije, obuka za predstavnike civilnog društva, obuka za predstavnike medija, dodjela 6 malih grantova za OCD, dodjela novinarske nagrade, učešće u radio i TV emisijama.



Rezultati: Potpisan Memorandum o saradnji projektnih partnera, osnovan projektni tim i umreženo 10 OCD iz BiH. Održana dvodnevna obuka i dva sastanka za operativni tim na kojim su pripremljene lokalne mjere za poboljšanje položaja LGBT osoba. Održano 6 lokalnih konsultacija (Bijeljina, Prijedor, Banja Luka, Zenica, Tuzla i Sarajevo), lokalne mjere predstavljene lokalnim vlastima i komisijama za ravnopravnost polova u 6 gradova, te dobijena dva pisma podrške za nastavak realizacije projekta. Održane dvije dvodnevne obuke jedna za predstavnike civilnog društva i jedna za predstavnike medija, nakon održanih obuka objavljen je konkurs i dodjeljena novinarska nagrada "Pero poštovanja" i dodjeljeno je 6 malih grantova OCD u BiH na teme položaja LGBT osoba u BiH. Emitovana je jedna TV emisija i 4 radio emisije koje su informisale širu javnost o sprovedenim aktivnostima i definisanim lokalnim mjerama.

Projekt: "Borba protiv govora mržnje i zločina iz mržnje"

Trajanje projekta: 01/01/2017 – 31/12/2017

Donator projekta: Međunarodna organizacija za zaštitu ljudskih prava Civil Rights Defenders

Nositelj projekta: Asocijacija za demokratske inicijative Sarajevo

Ciljna skupina: OCD, novinari/ke i studenti/ice

Mjesto provedbe projekta: Bosna i Hercegovina

Opći cilj: Povećati nivo informisanosti i svijesti građana/ki u BiH o uzrocima i posljedicama zločina iz mržnje u njihovim zajednicama, te o mjerama koje je neophodno poduzeti kako bi se smanjio broj zločina iz mržnje i govora mržnje.

Kratki opis: S obzirom da je proces promjene svijesti kod građana dugotrajan i mukotrpan važnost edukacije i razmjena iskustava o slučajevima počinjenim iz mržnje i govoru mržnje je od velikog značaja, jer ukoliko se krivična djela počinjena iz mržnje i govor mržnje ignorišu, i ne pridaje im se posebna važnost u bosanskohercegovačkom društvu, dolazimo do toga da su ta djela prihvatljiva, te da vremenom imaju tendenciju da postanu normalna i da na njih kao društvo u cjelini ne reagujemo na odgovarajući način. Prvi i najbitniji korak u borbi protiv zločina iz mržnje i govora mržnje je njegovo prepoznavanje i adekvatno reagovanje kako od strane zajednice,

tako i od strane pojedinaca, građana/ki, novinara/ki. Ukoliko izostane reakcija, ogromne su šanse da se govor mržnje pretvori u zločin iz mržnje ili da se za kratko vrijeme zaboravi da se ikad i desio.

Aktivnosti projekta: U 2017. godini aktivnosti obuhvataju treninge za novinare/ke, studente/ice prava i žurnalistike, info sesije, okrugle stolove, te monitoring pravosudnih procesa koji se vode o slučajevima zločina počinjenih iz mržnje i govora mržnje, mapiranje istih, kao i priprema kratkog dokumentarnog filma.



Rezultati: Izrađena analiza za 2016. godinu o nekažnjavanju zločina počinjenih iz mržnje. Uspostavljena jača saradnja sa Ministarstvom pravde BiH, Ministarstvom unutrašnjih poslova F BiH, Republike Srpske i organima lokalnih samouprava, održano 10 sastanaka i osigurana njihova podrška u toku monitoringa incidenata. Održana 2 okrugla stola, 2 Info sesije i 3 treninga na temu zločina iz mržnje i govora mržnje - 182 učesnika edukativnih aktivnosti osposobljeno za prepoznavanje govora i zločina iz mržnje. Premijerno prikazan dokumentarni film na Međunarodnom danu mira - 350 ljudi pregledalo film, te je film prikazan i na BHRT1 - pregledalo 160 000 ljudi.

Projekt: “Jačanje kapaciteta istrage i krivičnog gonjenja u zemljama Zapadnog Balkana – finansijske istrage kao sredstvo za borbu protiv organizovanog kriminala i korupcije”

Trajanje projekta: 15/04/2017 – 14/04/2018

Donator projekta: Ambasada kraljevine Holandije u Crnoj Gori

Nositelj projekta: Centar za monitoring i istraživanje (CeMI), Crna Gora

Partner projekta: Asocijacija za demokratske inicijative Sarajevo i Transparentnost Srbija


Ciljna skupina: tužitelji/ice, sudije/tkinje i službenici/ce za sprovođenje finansijskih istraga u slučajevima korupcije i organizovanog kriminala

Mjesto provedbe projekta: Bosna i Hercegovina, Crna Gora i Srbija

Opći cilj: Poboljšanje efikasnosti sistema pravosuđa i sprovođenja zakona u zemljama Zapadnog Balkana

Kratki opis: Zemlje regiona suočene su sa problemom niskog nivoa iskustva i znanjem praktičara – tužitelja/ica, sudija/tkinja i službenika/ca za sprovođenje zakona da koriste mehanizme finansijskih istraga koje pružaju nacionalni krivični pravosudni sistemi. Projekat je pokrenut sa ciljem poboljšanja operativnih kapaciteta tužitelja/ica, sudija/tkinja i službenika/ca za sprovođenje zakona iz Crne Gore, Srbije i Bosne i Hercegovine i upotrebe finansijskih istraga u slučajevima korupcije i organizovanog kriminala, kao i za unaprjeđenje suradnje i koordinacije između institucija koje učestvuju u sprovođenju finansijskih istraga, agencija za sprovođenje zakona (na nacionalnom i regionalnom nivou), poreske administracije, administracije imovine, administracije pranja novca i finansiranja terorizma. Projekat se sastoji od tri dijela, od kojeg je prvi dio fokusiran na procjenu postojećeg zakonodavstva i prakse sprovođenja finansijskih istraga u Crnoj Gori, Srbiji i Bosni i Hercegovini. Drugu dio projekta je fokusiran na organizovanje obrazovnih programa i programa izgradnje kapaciteta tužitelja/ica, sudija/tkinja i službenika/ca za sprovođenje zakona iz Crne Gore, Srbije i Bosne i Hercegovine. Treći dio projekta je fokusiran na unaprjeđenje nacionalne i regionalne saradnje u sprovođenju finansijskih istraga sa posebnim osvrtnom na razmjenu iskustva između institucija koje sprovode zakone, kao i na međuregionalnu suradnju.

Aktivnosti projekta: Izrada tri izvještaja o pravnom okviru i praksi sprovođenja finansijskih istraga u Bosni i Hercegovini, Crnoj Gori i Srbiji, seminari, okrugli stolovi, studijska posjeta Holandiji, te regionalna završna konferencija.



Rezultati: Izrađen prvi izvještaj o pravnom okviru i praksi sprovođenja finansijskih istraga u Bosni i Hercegovini; Održan nacionalni sastanak u Sarajevu na kojem je učestvovalo 14 učesnika i okrugli sto sa 25 učesnika predstavnika Ministarstva unutrašnjih poslova, Kantonalnih i Okružnih tužilaštava, Centara za edukaciju sudija i tužilaca, Sudova; Oko 40 predstavnika/ca institucija za sprovedbu zakona uspostavilo bolju međuinstitucionalnu suradnju.

Projekt: "Građanska misija obrazovanja"

Trajanje projekta: 22/05/2017 – 21/05/2020

Donator projekta: Američka agencija za međunarodni razvoj (USAID) u sklopu Programa za suzbijanje sukoba i pomirenje (Global Reconciliation Fund)

Nositelj projekta: Helsinški odbor za ljudska prava, Bijeljina

Partner projekta: Asocijacija za demokratske inicijative Sarajevo

Ciljna skupina: studenti/ce, nastavnici/ce, profesori/ce i obrazovne institucije u Bosni i Hercegovini

Mjesto provedbe projekta: Podrinje, Posavina, Srednja Bosna, Krajina i Hercegovina

Opći cilj: Smanjenje utjecaja nedostatka sistemskog pomirenja u mjestima ratnih sukoba kroz jačanje građanske misije obrazovanja u BiH

Kratki opis: Iako je rat u Bosni i Hercegovini završen prije 23 godine, njegove posljedice su i dalje prisutne u svim segmentima društva. Bolna iskustva u ratu, socijalna kriza i ekonomsko siromaštvo prouzrokovale su da nacionalizam, etnički animozitet, ksenofobija, netolerancija i diskriminacija postanu dominantni model razmišljanja i ponašanja, otvarajući načine za radikalizaciju i ekstremizam, naročito među mladima. Lokalne zajednice su i dalje podijeljene po entitetskim linijama, iako su prije rata bili geografski, socijalno, kulturno i ekonomski povezani. Uprkos određenom napretku koji je BiH postigla u primjeni potrebnih reformi za uspostavljanje demokratskog društva, BiH i dalje ostaje geografski, politički i etnički podijeljena. Cilj projekta je da, kroz projektne aktivnosti, umanjuje uticaj nedostatka sistemskog pomirenja u mjestima ratnih sukoba kroz jačanje građanske misije obrazovanja u BiH.

Aktivnosti projekta: Sastanci sa ciljnim grupama i korisnicima u Podrinju, Posavini, Srednjoj Bosni, Krajini i Hercegovini, konsultacijski sastanci, tri studijske posjete Srbiji, Hrvatskoj i Crnoj Gori, pet trodnevnih treninga za nastavnike/ce, dvije putujuće škole za mir, zagovaranje, kao i promocija i informisanje o projektu i projektnim aktivnostima.



Rezultati: Održana 3 konsultacijska sastanka u 3 regije: Posavina, Srednja Bosna i Podrinje sa nastavnicima i profesorima iz ove tri regije; Održana 1 studijska posjeta za predstavnike ministarstva obrazovanja iz BiH Republici Hrvatskoj u okviru koje su održani sastanci u Ministarstvu znanosti i obrazovanja Republike Hrvatske i nevladinim organizacijama; Održana 1 putujuća škola mira za mlade iz Posavskog kantona u Brčkom; te 2 sastanka projektnog savjetodavnog odbora i 3 sastanka projektnog tima.

Projekt: “Jačanje povjerenja javnosti u tužilački sistem u BiH kroz unaprijeđenje transparentnosti i odgovornosti”

Trajanje projekta: 01/07/2017 – 31/10/2018

Donator projekta: Visoko sudsko i tužilačko vijeće Bosne i Hercegovine i Vlada Švicarske

Nositelj projekta: Transparency International Bosna i Hercegovina

Partner projekta: Asocijacija za demokratske inicijative Sarajevo

Ciljna skupina: Tužilaštva u BiH, učenici/ce srednjih škola i studenti/ice, građani/ke BiH

Mjesto provedbe projekta: Bosna i Hercegovina

Opći cilj: Ojačati kapacitete tužilaštava da preuzmu vodeću ulogu u koordiniranju aktivnosti koje se odnose na implementaciju aktivnosti iz Strategije za postupanje sa osobama koje dolaze u kontakt sa tužilaštvima u Bosni i Hercegovini.

Kratki opis: Jedan od ključnih problema u BiH je nisko povjerenje javnosti u sistem pravosuđa. Prema rezultatima ispitivanja, 62% ispitanika dobija informacije putem televizije, 28,6% putem radija, 17,6% putem dnevne štampe, te 14,4% putem interneta. Dodatno, dio istraživanja, koji je dio Strategija za postupanja sa osobama koje dolaze u kontakt s tužilaštvima iz januara 2017. godine, je bio usmjeren i na povjerenje u javne institucije, u kojem raspon odgovora ispitanika pokazuje nisko opšte povjerenje u državne i javne institucije svih vrsta. Može se zaključiti da je jedan od razloga taj što se ne koriste sve raspoložive metode za upoznavanje društvene zajednice sa radom tužilaštava, te veoma malo javno dostupnih informacija.

Aktivnosti projekta: Izrada plana motiviranja građana/ki za komunikaciju sa tužilaštvima u BiH, fokus grupe, izrada brošure za građane/ke, uspostava foruma građana/ki sa javnim ustanovama i organizacijama civilnog društva, javne tribine, izrada kratkog dokumentarnog filma, te posjeta učenika/ca srednjih škola i studenata/ica tužilaštvima u BiH.



Rezultati: Osnovan Savjetodavni odbor projekta sastavljen od predstavnika/ca VSTV-ove Stalne komisije za efikasnost tužilaštava, predstavnik/ca partnera, predstavnika/ca tužilaštva i predstavnika/ca NVO. Urađen detaljan plan motiviranja građana koji sadrži konkretne alate za motiviranje. Održana prva fokus grupa, sa ukupno 11 učesnika predstavnika Tužilaštva BiH, Tužilaštva Zeničko – dobojskog kantona, Okružnog javnog tužilaštva Istočno Sarajevo, Federalnog tužilaštva Federacije Bosne i Hercegovine, Kantonalnog tužilaštva Kantona Sarajevo, Centra za edukaciju sudija i tužilaca i nevladine organizacije Trial Internacional i Vaša. U svrhu izrade brošure za građane/ke održano 20 intervjua sa građanima koji su bili u kontaktu sa tužilaštvima, te su identifikovana tužilaštva sa kojima će biti uspostavljena intezivna saradnja u toku naredne godine.

MEDIJI

U okviru zagovaračkih aktivnosti, ADI je kroz gostovanja u medijima, davanja intervjua i učešćem u press konferencijama, promovirala rad organizacije, kao i aktivnosti projekata:

3 gostovanja na Radio Slobodna Evropa / Radio Liberty

3 gostovanja na Federalnoj televiziji

2 gostovanja na BHRT1


1 gostovanje na RTV USK

1 gostovanje JP RTV Bihać

1 intervju za Dnevni list „Avaz“

1 intervju za portal „Klix.ba“

1 intervju za portal „Buka Magazin“



PARTNERI (Partneri u BiH i međunarodni partneri ADI-ja)

PARTNERI U BIH	MEĐUNARODNI PARTNERI
Američki kutak BiH	Association for Democratic Initiatives Gostivar - Makedonija
Biro za ljudska prava Tuzla	Association of Civil Society Development Centre (STGM) – Turska
Centar za interdisciplinarne studije Univerziteta u Sarajevu	Beogradski centar za ljudska prava - Srbija
Centar za ljudska prava Univerziteta u Sarajevu	Centar za monitoring i istraživanje (CeMI) – Crna Gora
Centar za mlade KVART	Civil Rights Program in Kosovo (CRP/K)
Centar za promociju civilnog društva (CPCD)	Danski institut za ljudska prava/Danish Institute for Human Rights (DIHR)
Centri civilnih inicijativa	European Citizens Action Service (ECAS) – Belgija
Fondacija Centar za javno pravo (CJP)	Freedom house Serbia
Helsinški odbor za ljudska prava	Komitet pravnika za ljudska prava (YUCOM) – Srbija
Infohouse	Law Centres Network (LNC) – Velika Britanija
Inicijativa mladih za ljudska prava (YIHR)	National Association of Citizens Information Services (NACIS) – Irska
Kantonalna privredna komora Tuzla	Nacionalna zaklada za razvoj civilnog društva (NZRCD) – Hrvatska
Mediacentar Sarajevo	National Association of Citizens Advice Bureaux (NACAB) – Rumunija
Ministarstvo obrazovanja, nauke, kulture i sporta Srednjobosanski kanton	Organizacija za ljudska prava „Jednakost“ – Srbija
Ministarstvo obrazovanja, nauke, kulture i sporta USK,	Transparentnost Srbija
Ministarstvo prosvjete, znanosti, kulture i sporta Županije Posavske,	
Ministarstvo unutrašnjih poslova ZDK	
Ministarstvo za obrazovanje, mlade, nauku, kulturu i sport Bosansko-podrinjskog kantona Goražde	
Ministarstvo za obrazovanje, nauku i mlade Kantona Sarajevo	
Ministarstvo znanosti, prosvjete, kulture i sporta Hercegbosanske županije,	
Mreža za izgradnju mira	
Mreža pravde u Bosni i Hercegovini	
Mreža Sporazum plus	
Odjeljenje za obrazovanje Brčko distrikta BiH	
Općina Goražde	
Općina Jablanica	
Općina Vareš	
Općina Vitez	
Opština Bijeljina	
Opština Foča	
Pravni fakultet Bihać	
Univerzitet „Džemal Bijedić“ u Mostaru, Pravni fakultet	
Pravni fakultet Univerziteta u Sarajevu	
Univerzitet u Tuzli, Pravni fakultet	
Pravni portal „ePravo.ba“	
Pravosudna komisija Brčko Distrikta	

Sarajevski Otvoreni Centar (SOC)	
Transparency International Bosna i Hercegovina	
Twinning Platform	
Udruženje „Vaša prava BiH“	
Udruženje/udruga BH novinari	
UG Omladinski centar Gornji Vakuf/Uskoplje	
Vijeće mladih grada Mostara	
Vijeće za štampu u BiH	

DONATORI


- Ambasada Kraljevine Holandije u Crnoj Gori
- British Government
- Canadian Embassy
- Catalan Ombudsman
- Civil Rights Defenders
- Europska komisija
- Fond otvoreno društvo BiH
- Ministry of Foreign Affairs of Denmark (MFA)
- Swiss Embassy Sarajevo
- UNDP BiH
- US Embassy BiH
- USAID
- USAID/JSDP
- Visoko sudsko i tužilačko vijeće
- Vlada Švicarske

FINANSIJSKI IZVJEŠTAJ ZA 2017. GODINU

Izvori finansiranja u 2017. godini

REDNI BROJ	DONATOR	IZNOS U KM	PROCENT
1	Civil Rights Defenders	61.402	37,14%
2	USAID	27.852	16,85%
3	Ambasada Kraljevine Holandije	31.677	19,16%
4	Visoko sudsko i tužilačko vijeće i Vlada Švicarske	9.300	5,62%
5	USAID i Fond otvoreno društvo	34.264	20,72%
6	Ostali prihodi	843	0,51%
UKUPNO		165.337	100,00%

Izvori finansiranja 2017



Bilans uspjeha za 2017. godinu

OPIS	PRETHODNA GODINA (2016)	TEKUĆA GODINA (2017)
A PRIHODI		
HUMANITARNI PRIHODI	95.111	149.814
OSTALI PRIHODI	2.168	843
SVEGA PRIHODI	97.279	150.657
B RASHODI		
MATERIJAL I ENERGIJA	7.100	4.281
USLUGE	63.743	88.985
PLATE	28.407	50.643
AMORTIZACIJA	894	960
PUTNI TROŠKOVI	1.662	5.169
OSTALI RASHODI	4.416	5.844
SVEGA RASHODI	106.222	155.882
C REZULTAT		
VIŠAK PRIHODA	-	-
VIŠAK RASHODA	8.943	5.225

UPOSLENICI



Snježana Ivandić Ninković

Direktorica

Tel. +387 33 262 415

Faks +387 33 262 416

snjezana@adi.org.ba



Božana Puljić

Tel.+387 33 262 415

Faks +387 33 262 416

bozana@adi.org.ba



Dajana Čelebić

Tel. +387 33 262 415

Faks +387 33 262 416

dajana@adi.org.ba



Mirela Vrana

Tel. +387 33 262 415

Faks +387 33 262 416

mirela@adi.org.ba

KONTAKT PODACI

Asocijacija za demokratske inicijative

Zmaja od Bosne 8

71 000 Sarajevo, Bosna i Hercegovina

Telefon +387 33 262 415

Faks +387 33 262 416

www.adi.org.ba

